

ছায়া

তুমি বলেছিলেন ছায়া দেবে, তাই আসা
এটা তোমাদের বাড়ি?

ছাদ উঠে গেছে আকাশের চেয়ে উঁচু
শোভিত পাথর সজ্জিত সারি সারি।

তুমি বলেছিলে ছায়া দেবে, তাই আসা
এটা তোমাদের বাড়ি?

চলো নিয়ে চলো যেখানে যত্ন লাগিয়েছ ছায়াতরু
যেখানে তোমার সঙ্গে এখন একটু বসতে পারি।

কোথায় বসাবে? তোমাদের বাড়ি পুড়ে যায় রোদ্দুরে-
কোনোখানে ছায়া নেই।

ঠায় রোদ্দুরে দাঁড়িয়ে দাড়িয়ে দেখি
টবে টবে শুধু সাজিয়ে রেখেছ শিল্পিত বনসাই।

অমল পাল